


Alkitab Buat Bocah Nampilin



Elisa
Manusia
Mukjizat



Nyeng nulis: Edward Hughes

Nyeng bikin gambar: Lazarus
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.



Di tempat itu kaga ada sampi laki buat ngeluku.
Butuh satu lagi. Tapi itu kaga ngebrentiin seorang
petani muda nyeng namanya Elisa. Dengan gampang dia
pasang badan ama sampi laki,
ngisi tempat nyeng kosong.
Udah barang tentu dia
kuat, pegawe
nyeng
uled ama
pinter.





Pas Elisa lagi ngeluku, nabi Tuhan Elia nyamperin dan ngegeroin dia. Anak muda ini ninggalin kebonnya buat jadi pembantu Tuhan. Satu ari, Tuhan ngegeroin Elisa ke surga dalem angin puyuh. Sekarang Elisa jadi nabi Tuhan buat Israel.





Elisa murung karena Elia mati, dia sembahyang kepada Tuhan buat ngasih kepadanya kuasa kaya apa nyeng dipunyain Elia. Elisa ngambil jubah Elia dan dipukulin ke aer nyeng ngalir kaya apa

nyeng dikerjain
Elia. Aer kali misah.
Sekarang Elisa tau
kalo Tuhan ada
sama dia.






Pas waktu Elisa
pegih ke satut kota
nyeng namanya Betel,
beberapa bocah pada
ngeledekin dia, sambil
terreak, "Naeklah gundul,
naeklah gundul!" mereka
masa bodo amat kalo
Elisa itu pembantunya
Tuhan, Sesuatu nyeng
bikin kaget terjadi ama
mereka. Dua beruang
perempuan keluar dari
utan dan ngerobek-
robek empat puluh
dua bocah.




Satu ari Elisa ketemu ama seorang janda nyeng punya utang dan dia kaga bisa bayar utangnya. Biar duitnya balik, tukang tagih utang dateng mao ngambil kedua anak janda itu dan mereka dijadiin budak.



"Pegih dan minta ember-ember dari luar daripada semua tetanggamu ... ember-ember kosong," kata Elisa. Tuhan mao bikin sesuatu nyeng luar biasa buat perempuan ini.



Janda itu cuman punya botol kecil nyeng ada minyaknya di rumahnya. Tapi botol kecil itu dia bisa nuangin minyak nyeng cukup buat ngisi semua ember itu! Kalo aja mereka juga punya gentong waktu itu, kira-kira bisa kaga kamu nerka-nerka apa Tuhan juga bakalan ngisi gentong itu? Janda itu ngejual minyaknya dan nyelametin anak-anaknya.



Ada perempuan laen ama lakinya
bikin satu kamar khusus di rumah
mereka supaya Elisa bisa netep di
sono waktu ia dateng.
Di dalem kamar itu
mereka naro
satu dipan,
meja ama
bangku, ama
kaki lampu. Kamar
itu memang disediain
terus buat Elisa.



Elisa pengen tau pegimana dia bisa ngebales pasangan itu. Pas dia sadar kalo mereka kaga punya anak, dia bilang satu hal nyeng paling sulit bisa dipercaya ama perempuan itu. Taun depan, pas kaya sekarang ini, kamu bakalan ngegendong seorang bocah laki-laki.

Bener aja,
setaun
berikutnya, orok
itu dibranakin.




Beberapa taun lagi pas anak itu gede, ia ada di kebon sama bapanya. "Aduh, palaku, palaku," bocah itu tereak. Pas dia bawa anak lakinya itu pada emaknya, dia duduk dipangkuan emaknya sampe tengari bolong, lantas dia mati. Emaknya ngerebahin

dia di

dipan di

kamar

Elisa.



Kamu pikir emang siapa nyeng
bisa nulungin perempuan ini.



Apakah kamu bakal bilang ama Elisa? Bener banget!
Dia nunggang seekor keledai dan pegih pake
kecepetan penuh buat nemuin dia.



Elisa dateng ke rumah perempuan itu, naek ke atas dewekan dan sembahyang kepada Tuhan. Tuhan ngidupin anak itu lagi. Elisa ngegeroin perempuan itu dan bilang, "Angkat anakmu ini!" Kaga kepalang tanggung girangnya perempuan itu!






Di deket tanah Syria,
netep seorang komandan
pasukan nyeng namanya
Naaman. Dia orang nyeng
berani bangat ama kuat,
tapi dia mengidap satu
penyakit nyeng nakutin
nyeng disebut lepra.



Bininya Naaman punya
pembantu seorang gadis
kecil nyeng dibawa jadi
tahanan dari Israel.
Gadis kecil itu bilang,
"Sekiranya tuanku nemuin
nabi nyeng di Israel itu,
udah pasti nabi itu bakal
nyembuhin dia dari
penyakit lepranya."



Naaman nyusun waktu buat
nemuin nabi itu. Dia ngebawa
perak, emas, ama pakean-pakean
nyeng bagus buat sesembahan.



Pembantu Elisa keluar dan bilang,



"Sono pegih mandi tujuh kali di kali Yordan, lantas awakmu bakalan balik lagi, lantas kamu bakal waras." Naaman rada bimbang. Bukannya ia bisa mandi di kali nyeng bersih, dan seger di negrinya dewek, Syria? Rada jengkel, dia mlengos dan pegih dengan ati nyeng dongkol.





Untung buat Naaman,
pembantunya bilang
ama dia supaya nurutin
perentah Elisa. Lantas
Naaman terjun ke
kali dan nyilem tujuh
kali di kali Yordan.
Lantas lepranya
bae! Lantas Naaman
muji-muji Tuhan nyeng
bener, Tuhannya Elisa,
Tuhan nyeng udah
nyembuhin dia dari
penyakit lepra.





Tuhan pake pembantuNya, Elisa seudahnya dia mati. Satu ari, seorang laki-laki nyeng dikuburin di gua dimana Elisa juga dikuburin di situ bertaun-taun nyeng lalu. Pas badan orang mati ini nyenggol tulang Elisa, orang itu bangun dan bediri di atas kakinya. Bener-bener Tuhan nunjukin kuasaNya nyeng gede kepada pembantunya nyeng beriman, Elisa.



Elisa Manusia Mukjizat

Sebuah cerita dari perkataannya Tuhan, Alkitab

Ditemuin di

2 Raja-raja 2-13

"Palang pintu Firman Engkau ngasih terang."
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

